



15  
3875

Broj: 06-11-601/24-6  
Ilidža, 26.03.2024.godine

Na osnovu člana 72. stav (3), tačka a) Zakona o javnim nabavkama ( «Službeni glasnik BiH» broj 39/14 i 59/22), donosi se

**O D L U K A**  
**O DODJELI UGOVORA DRUGORANGIRANOM PONUĐAČU ZA JAVNU NABAVKU BROJ 06/24**

**I**

Poništava se Odluka broj 06-11-601/24-4 od 11.03.2024.godine o izboru ponuđača **BRAĆA MUJIĆ EXPORT-IMPORT d.o.o, Džemala Bijedića 212, Ilidža**, kao najpovoljnijeg za **JN 06/24 Rekonstrukcija ulice Izeta Musića sa izgradnjom pješačkih staza**, iz razloga što imenovani ponuđač nije u ostavljenom roku dostavio uvjerenja iz člana 45. stav (2) tačka a), b) c), i d), zakona o javnim nabavkama.

**II**

**Ugovor se dodjeljuje drugorangiranom ponuđaču OXA d.o.o**, čija cijena ponude bez PDV – a iznosi **266.294,87 KM**

**III**

**Ponuđač OXA d.o.o**, obavezan je u roku od 5 dana od dana prijema ove odluke ugovornom organu dostaviti uvjerenja iz člana 45. stav (2) tačka a), b) c), i d), Zakona o javnim nabavkama.

**Obrazloženje**

Na osnovu odluke o pokretanju postupka broj 06-11-601/24-1 i obavještenja o nabavci broj 888-1-3-14-3-46/24 od 29.01.2024.godin, pokrenut je otvoreni postupak javne nabavke za **JN 06/24 Rekonstrukcija ulice Izeta Musića sa izgradnjom pješačkih staza**. Ponude su blagovremeno dostavili TELEFONGRADNJA d.o.o, Industrijska 12, Hadžići, AZEKOP d.o.o, Sarajevska 2, Kiseljak, OXA d.o.o, Dobrinjske bolnice 13, Sarajevo, ORMAN d.o.o, Kraljice Mira 27, Kiseljak, MGBH d.o.o, Lužansko polje 7, Ilidža, GP ING d.o.o, Hifzi Bjelevca 5, Ilidža, BETON FESH d.o.o, Džemala Bijedića 212, Ilidža i BRAĆA MUJIĆ EXPORT-IMPORT d.o.o, Džemala Bijedića 212, Ilidža. U ponudama ponuđača AZEKOP d.o.o, ORMAN doo, OXA d.o.o, GP ING d.o.o i BRAĆA MUJIĆ EXPORT-IMPORT d.o.o su utvrđene računске greške čiju ispravku su ponuđači odobrili. Analizom ponuda utvrđeno je sljedeće:

Ponuda ponuđača AZEKOP d.o.o, Sarajevska 2, Kiseljak, se odbacuje/odbija kao neprihvatljiva iz razloga jer cijena iste prelazi planirana, odnosno osigurana novčana sredstva ugovornog organa za predmetnu nabavku. Obzirom da ponuda AZEKOP d.o.o iznosi 319.547,18 KM bez PDV-a a da je iznos procijenjene vrijednosti nabavke (odnosno planiranih/osiguranih sredstva za ovu nabavku) 305.335,34 KM bez PDV-a, ova ponuda se u skladu sa Zakonom o javnim nabavkama ocjenjuje kao neprihvatljiva.

Ponuda ponuđača ORMAN d.o.o, Kraljice Mira 27, Kiseljak, se odbacuje/odbija kao neprihvatljiva iz razloga jer cijena iste prelazi planirana, odnosno osigurana novčana sredstva ugovornog organa za predmetnu nabavku. Obzirom da ponuda ORMAN d.o.o iznosi 307.387,14 KM bez PDV-a a da je iznos procijenjene vrijednosti nabavke (odnosno planiranih/osiguranih sredstva za ovu nabavku) 305.335,34 KM bez PDV-a, ova ponuda se u skladu sa Zakonom o javnim nabavkama ocjenjuje kao neprihvatljiva. Ostali ponuđači su ispunili uslove iz tenderske dokumentacije odnosno dostavili su tražene dokaze.

Na osnovu kriterija "najniža cijena," Komisija za javne nabavke utvrdila je konačnu rang listu ponuđača kako slijedi:

1. BRAĆA MUJIĆ EXPORT-IMPORT d.o.o, čija cijena ponude bez PDV-a iznosi 260.000,39 KM
2. OXA d.o.o, čija cijena ponude bez PDV-a iznosi 266.294,87 KM
3. GP ING d.o.o, čija cijena ponude bez PDV-a iznosi 280.000,00 KM
4. TELEFONGRADNJA d.o.o, čija cijena ponude bez PDV-a iznosi 285.538,45 KM
5. MGBH d.o.o, čija cijena ponude bez PDV-a iznosi 299.427,02 KM
6. BETON FRESH d.o.o, čija cijena ponude bez PDV-a iznosi 305.008,35 KM

Imajući u vidu navedeno ugovorni organ 11.03.2024.godine donosi odluku broj 06-11-601/24-4 od 11.03.2024.godine kojom ugovor dodjeljuje ponuđaču BRAĆA MUJIĆ EXPORT IMPORT doo.

Izabrani ponuđač je Odluku zaprimio 15.03.2024.godine, a po navedenoj odluci je bio obavezan roku od 5 dana od dana prijema iste Ugovornom organu dostaviti uvjerenja iz člana 45. stav (2) tačka a), b) c), i d), Zakona o javnim nabavkama.

Kako izabrani ponuđač u ostavljenom roku nije dostavio tražene dokaze, ugovorni organ je utvrdio da su se ispunili uslovi iz člana 72. stav (3) tačka a) Zakona o javnim nabavkama Bosne i Hercegovine ( «Službeni glasnik BiH» broj 39/14 i 59/22) za dodjelu ugovora drugorangiranom ponuđaču, **OXA doo**.

Cijeneći navedeno odlučeno je kao u dispozitivu.



OPĆINSKI NAČELNIK  
Nermin Muzur, magistar uprave

#### DOSTAVLJENO

1. TELEFONGRADNJA d.o.o, Industrijska 12, Hadžići
2. AZEKOP d.o.o, Sarajevska 2, Kiseljak,
3. OXA d.o.o, Dobrinjske bolnice 13, Sarajevo
4. ORMAN d.o.o, Kraljice Mira 27, Kiseljak
5. MGBH d.o.o, Lužansko polje 7, Ilidža
6. GP ING d.o.o, Hifzi Bjelevca 5, Ilidža
7. BETON FESH d.o.o, Džemala Bijedića 212, Ilidža
8. BRAĆA MUJIĆ EXPORT-IMPORT d.o.o, Džemala Bijedića 212, Ilidža
9. Služba za komunalne poslove i infrastrukturu
10. Kabinet Općinskog načelnika
11. Kabinet Općinskog načelnika (za objavu na WEB stranici)
12. a/a

Izradio Almedin M.

Kontrolisao Benjamin M.

